

Headline	42 individu terima darjah kebesaran		
MediaTitle	Sinar Harian		
Date	10 Sep 2019	Color	Full Color
Section	Nasional	Circulation	140,000
Page No	1,3	Readership	420,000
Language	Malay	ArticleSize	546 cm ²
Journalist	N/A	AdValue	RM 11,575
Frequency	Daily	PR Value	RM 34,726



Tengku Maimun, Abdul Hamid Bador, Tommy Thomas kini bergelar Tan Sri

42 individu terima darjah kebesaran

Ketua Hakim Negara dahului senarai penerima Darjah Kebesaran Persekutuan 2019

KUALA LUMPUR

Ketua Hakim Negara, Datuk Seri Utama Tengku Maimun Tuan Mat mengetuai senarai 42 penerima Darjah Kebesaran Persekutuan 2019 daripada Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah bersempena Hari Keputeraan rasmi Seri Paduka semalam.

Pada istiadat pengurniaan hari pertama itu, Tengku Maimun, 60, yang dilantik memegang jawatan itu pada 2 Mei lepas menerima Darjah Panglima Mangku Negara (PMN) yang membawa gelaran Tan Sri.

Raja Permaisuri Agong Tunjku Hajah Azizah Aminah Maimunah Iskandariah turut berangkat ke Istiadat Menghadap dan Pengurniaan Darjah Kebesaran, Bintang dan pingat Persekutuan itu yang berlangsung di Balaiung Seri Istana Negara di sini.

Tengku Maimun yang merupakan anak jati Kota Bharu, Kelantan mencipta sejarah apabila menjadi wanita pertama mem-



Al-Sultan Abdullah mengurniakan Darjah Kebesaran Panglima Mangku Negara yang membawa gelaran Tan Sri kepada Tengku Maimun di Istana Negara semalam.



Al-Sultan Abdullah mengurniakan Darjah Kebesaran Panglima Setia Mahkota yang membawa gelaran Tan Sri kepada Tommy Thomas.



Al-Sultan Abdullah mengurniakan Darjah Kebesaran Panglima Jasa Negara kepada Zulkifli di Istana Negara.

gang jawatan tertinggi badan kehakiman negara. Turut menerima Darjah PMN ialah Ketua Setiausaha Negara (KSN), Datuk Seri Dr Ismail Bakar dan Panglima Angkatan Tentera, Jeneral Tan Sri Zulkifli Zainal Abidin.

Tahun ini, Yang di-Pertuan Agong berkenan mengurniakan Darjah Kebesaran, Bintang dan pingat Persekutuan kepada 795 individu daripada pelbagai kategori.

Selain tiga tokoh tersebut, istiadat pengurniaan hari pertama turut menyaksikan 15 individu lain menerima Darjah Panglima Setia Mahkota (PSM) yang juga mem-

bawa gelaran Tan Sri iaitu Yang Dipertua Dewan Rakyat, Datuk Mohamad Ariff Md Yusof; Hakim Besar Sabah dan Sarawak, Datuk Seri David Wong Dak Wah; Peguam Negara, Tommy Thomas; Ketua Polis Negara, Datuk Seri Abdul Hamid Bador dan bekas Ketua Pengarah Perkhidmatan Awam, Datuk Seri Borhan Dolah.

Turut menerima, Ketua Setiausaha Kementerian Dalam Negeri, Datuk Seri Alwi Ibrahim; Ketua Setiausaha Perbendaharaan Kementerian Kewangan, Datuk Ahmad Badri Mohd Zahir; Ketua Setiausaha Sulit kepada

Perdana Menteri di Pejabat Perdana Menteri, Datuk Badariah Arshad; Panglima Tentera Darat, Jeneral Datuk Seri Ahmad Hasbullah Mohd Nawawi; Panglima Tentera Laut, Laksamana Datuk Mohd Reza Mohd Sany.

Penerima Darjah PSM yang lain ialah bekas Hakim Mahkamah Persekutuan, Datuk Seri Balia Yusof Wah; Pengerusi Eksekutif Kumpulan MFDH Holdings Sdn Bhd, Datuk Seri Mahamad Fathil Mahmood; Presiden Persekutuan Pengilang-Pengilang Malaysia (FMM), Datuk Soh Thian Lai; Presiden dan

juga Ketua Pegawai Eksekutif Universiti Tunku Abdul Rahman (UTAR), Prof Datuk Dr Chuah Hean Teik serta Peguam Negara Qatar, Dr Ali Fetais Al-Marri.

Al-Sultan Abdullah turut mengurniakan Darjah Panglima Jasa Negara (PJN) yang membawa gelaran Datuk kepada 21 penerima, antaranya ialah Ketua Pengarah Unit Penyelarasan Pelaksanaan (ICU) Jabatan Perdana Menteri, Nor Azri Zulfakar; Ketua Pengarah Pendidikan Tinggi, Datin Paduka Dr Siti Hamisah Tapsir; Peguam Cara Negara II, Datuk Siti Zainab Omar; Pengerusi Suruhanjaya Pilihan Raya (SPR), Azhar Azizan Harun; Hakim Mahkamah Tinggi Kuching, Supang Lian; Hakim Mahkamah Tinggi Johor Bahru, See Mee Chun dan Ketua Pengarah Institut Penyelidikan Perhutanan Malaysia (FRIM), Datuk Dr Abd Latif Mohmod serta Mufti Wilayah Persekutuan, Datuk Seri Dr Zulkifli Mohamad.

Pada istiadat pengurniaan semalam, Al-Sultan Abdullah turut mengurniakan Darjah Panglima Setia Diraja (PSD) yang membawa gelaran Datuk kepada Datuk Paduka Maharaja Lela Istana Negara, Azuan Effendy Zairakithnaini; Duta Besar Malaysia ke Republik Korea, Datuk Mohd Ashri Muda dan Ketua Pegawai Istiadat Kerajaan Bahagian Istiadat dan Urusetia Persidangan Antarabangsa, Rozainor Ramli. - *Bernama*